

福州府志卷之四十七

名宦二

歷代郡守僚佐附

晉

嚴高太康三年爲晉安太守時初置郡詔治閩越故城高顧視險隘不足容衆遂改築子城又鑿迎仙館前連於灣橋通舟楫之利城西濬東西二湖溉田數萬畝至今

利之

正德府志

宋

虞愿字士恭餘姚人泰始末爲晉平太守前政與百姓交

福州府志

卷四十七

名宦二

一

關質錄其兒婦愿遣人於道奪取還之初立學堂教授郡出蚺蛇膽可爲藥有遺愿蛇者愿不忍殺之放二十里外一夜蛇還牀下又放四十里外復來歸論者謂愿仁心所感海邊有越王石常隱雲霧相傳清廉太守乃得見愿往觀之清徹無隱

南史

王秀之字伯奮瑯琊人元徽閒爲晉平太守遺書朝士曰郡承虞公之後善政猶存差得無事朞年求還或問其故答曰此郡沃壤珍阜日至人所昧者財財生則禍逐智者不昧財亦不逐禍吾山資已足豈可久留人以爲

王晉平恐富求歸南齊書

齊

邱仲起字子震吳興人建元初爲晉平郡清廉自立褚淵歎曰見可欲心能不亂此楊公所以遺子孫也後官至

廷尉卒

南齊書沈憲傳無傳今考南齊志職官俱誤作仲趨名宦

王僧孺字僧孺東海郟人齊文惠太子聞其名召入東宮直崇明殿欲擬爲宮僚文惠薨不果時王晏子得元出爲晉安郡以僧孺補郡丞除候官令建武初有詔舉士揚州刺史始安王遙光表薦秘書丞王暕及僧孺曰前福州府志

卷四十七 名宦二

二

候官令東海王僧孺年三十五理尙棲約思致恬敏旣筆耕爲養亦傭書成學至乃照螢映雪編蒲緝柳先言往行人物雅俗甘泉遺儀南宮故事畫地成圖抵掌可述豈直鼯鼠有必對之辯竹書無落簡之謬訪對不休質疑斯在除尙書儀曹郎

南齊書

梁

范縝字子真南鄉舞陰人天監初爲晉安太守在郡清約資公祿而已遷尙書左丞及還雖親戚無所遺贈

梁書

按唐福州刺史俱以福建都團練觀察使兼傳列名宦

上卷茲不重見

宋

楊克讓字慶孫馮翊人太平興國初以兩浙西南路轉運使權知州事泉州民嘯聚爲盜克讓在福州卽率其屯兵至泉與王明王文寶共討平之歷官廉謹幹局所至

有聲

宋史參萬  
歷府志

馬亮字叔明合肥人舉進士淳化閒諸路轉運使置糾察刑獄官命亮覆訊福建路全活者多遷太常博士知福州蘇易簡薦亮才任繁劇召還後以太子少保致仕呂

福州府志

卷四十七

名宦二

三

夷簡少從其父蒙亨爲縣吏至福州亮見而奇之妻以

女世謂亮知人

宋史參  
閩書

謝泌字深源歙人太平興國五年進士官兩浙運使景德初移知福州時郡城灣橋要衝木梁易朽泌欲易以石民陳祐等奔走奉命泌去任後民不忍忘而橋竟完及聞泌卒相率縞素曰侯吾民天地也不張權不恃勢兄弟爭者諭之頑狠者責之訟幾息矣時繼守嚴辟疆尙嚴聞其言政亦爲寬後守元積中書去思易橋名民爲

立祠陳烈爲記

正德  
府志

王平莆田人大中祥符中知福州轉運使王贇言福州官田宜課租如漳泉例平曰額外增稅民何以堪奏止之

書閩

王臻字及之汝陰人天禧中知州事閩俗姦者噉野葛誣人人有抵死者臻廉其狀姦不得行人甚賴之又民口利火作倉猝輒掠其財以爲常臻捕首惡杖流之民乃

安其嚴明如是

新舊福建通志合纂

胡則字子正婺州永康人以進士起家天聖中知福州時張希顏奏請福州官莊田納二稅外仍輸租米則奏官

福州府志

卷四十七

名宦二

四

田多瘠且濱海有潮患不宜增稅詔從之

宋史

章頻字簡之浦城人天聖中知福州僞閩時賦民官田歲輸租稅而已至是轉運使方仲荀謂鬻之可得緡錢二十餘萬頻上疏言錢數浩大田無可輸價詔悉除之

萬歷

府志

鄭載天聖中知福州先是知州謝泌王臻章頻皆賢而載亦以循良稱民爲歌曰前有謝王後有鄭章

閩書

方嶠字次山莆田人景祐元年進士初調平陽尉改福州司理叅軍州民有誣繫獄者守促令引服嶠力辯其寃

改秘書丞著作郎書閩

陳鑄字師回興化人康定初知南雄秩滿以母老不復請郡求通判福州以便養親蔡襄序其行謂鑄之孝足爲人子之勸福州自景祐建學絃誦無聞鑄亟贊其守延師增廩以教之一時學者靡然向風正德府志

蔡襄字君謨仙遊人天聖進士由右正言直史館乞便養親出知福州始復古之五塘又奏減五代時州民丁口稅之半陞本路轉運使尋以父喪去嘉祐初以樞密直學士禮部郎中再知福州禮士之賢者以勸學興善而

福州府志

卷四十七名宦二

五

變民之故俗初閩士專用賦應科舉襄得耆儒周希孟館以師禮具餐錢設都養以經術傳授襄亦屢至勸講延處士陳烈尊以師禮而陳襄鄭穆德行著稱襄折節下之士乃多通經習益醇俗重凶事奉浮屠會賓客盡力豐侈游民貪飲食利錢財來者踵沓遂有親亾破產辦具或立券舉債終身困不能償襄曰弊有大此者耶卽下令禁止至於巫覡主病蠱毒殺人之類皆漸絕之擇民之聰明者教以醫藥使治疾病條其事作五戒諭教之閩俗丕變州民刻石紀其績拜端明殿學士卒年

五十有六贈少師謚忠惠

閩書參正  
德府志

曹穎叔字秀之亳州譙人皇祐中儂智高寇嶺南朝議以

閩中兵備久弛擢天章閣待制知福州推恩行惠剗煩

去蠹整肅戎政治行不下古人

正德府志

燕度字唐卿益都人嘉祐中知福州會盜起度請假事權

制攝一道遂加兵馬鈐轄所至善狀日聞

正德府志

元絳字厚之錢塘人登第攝上元令安撫使范仲淹表其

才嘉祐閒知福州奏罷錢氏無名之徵所涖咸有異政

而無特操工於文詞爲流輩推許拜叅知政事卒年七

福州府志

卷四十七 名宦二

六

十六謚章簡

宋史

程師孟字公闢吳人進士甲科熙寧中知福州築子城濬

河隍建學舍治行最東南累領劇鎮爲政簡而嚴罪非

死者不以屬吏發隱摘伏如神豪惡不逞者痛懲艾之

至勦絕乃已以光祿大夫致仕卒年七十八

正德府志

曾鞏字子固南豐人熙寧末以龍圖閣知州事時劔州盜

廖思雖降餘衆尙合旁連數州鞏以計致之自縛歸者

二百人奏增瀕海巡簡官自是境內盜盡息福多佛刹

僧利其富饒爭欲長其徒鞏俾其徒自相推擇識諸籍

以次序錄又禁婦女無入寺官舊無職田歲粥園蔬以供公費鞏曰太守與民爭利可乎罷之鞏所至州不遣人至縣縣不遣人至田里省文移令行禁止囹圄屢空

吏民安其政

萬歷府志

孫覺字莘老高郵人元豐中知福州閩俗厚於婚喪用財無藝覺裁爲中法資裝無得過百千瘞埋之費亦率減十五俗大便之民欠市易錢繫者甚衆有管下富人出錢五百萬葺佛殿請於莘老莘老徐曰汝輩施錢者何曰願得福耳曰佛殿未甚壞佛未至露坐也孰若爲獄

福州府志

卷四十七

名宦二

七

囚代償官逋使數百人釋桎梏之苦得福豈不多乎富人不得已諾之卽日輸錢囹圄一空

史取

柯述字仲常南安人述與弟述迪嘗贄文蔡襄襄奇之嘉祐四年進士歷知襄邑盜悉奔他境神宗聞之召對便殿書其姓名於屏擢知懷州元祐元符中兩知福州州舊無貢院每大比卽廟學中爲試院先聖釋奠反移他所述擇州治東南公廡及廢地爲院構堂百二十區士人便之

閩書

林深之字原叔莆田人紹聖中爲福州觀察推官時溫益

知州事事一委之深之在告益曰今日廢吾手矣閩書  
參正

德府志

江常字少明惠安人靖康初知福州時建賊乘流趨迫州

城常登陴呼其酋諭以禍福許爲騰奏賊羅拜散去州

卒驕橫喧噪衙門常得其尤者誅之士卒始識紀律萬歷

府志

程邁徽州黟縣人建炎四年以朝散大夫徽猷閣待制知

福州時建寇猖獗邁請師於朝命參政孟庾少師韓世

忠討平之郡人各爲立生祠因更名武備堂曰止戈以

福州府志

卷四十七 名宦二

八

旌其功自臺門至虎節門大井有七歲久多湮悉令濬

之民獲其利紹興間復以顯謨閣直學士左中奉大夫

再知州事正德府志

張守字子固晉陵人紹興初知福州時右司員外郎張宗

臣請築福州城守奏州人困弊請俟他年遂止閩自范

汝爲之擾公私空乏守在鎮四年撫綏凋瘵奏蠲所貸

常平緡錢十五萬初僞閩以八州之產分三等上給寺

觀中下給土著流寓守祇留四十餘剝餘悉爲實封歲

入不下七八萬緡以助軍資餘充雜料當時稱便正德府志



張致遠字子猷沙縣人宣和三年第進士宰相范宗尹薦其才召對擢樞密院計議官建寇范汝爲已降猶懷反側招安官謝嚮盧棠受賊賂陰與之通致遠謁告歸知其情還白執政捕棠等付獄詔孟庾韓世忠討之辟致遠爲隨軍機宜文字賊平除兩浙轉運判官遷侍御史請罷權福建鹽累遷顯謨閣待制知台州以海寇鄭廣未平改知福州廣聞致遠來輒請降致遠選留四百人置營城外復遣廣討他郡寇數月悉平致遠鯁亮有學識歷臺省侍從言論風采皆卓然可觀趙鼎嘗稱其有

福州府志

卷四十七

名宦二

九

士望他日所守不渝

宋史參正  
德府志

薛弼字直老永嘉人紹興間福州大盜起其黨甚盛詔陞弼集英殿修撰知福州弼言昔守章貢有武夫周虎臣陳敏所屬丁壯數百皆精悍可任勦捕乃以虎臣爲副將敏爲巡檢選千人隸戲下號奇兵日給糗糧責以滅

賊凡四年而賊平

正德府志參  
福建通志

林雱字德甫莆田人紹興中通判福州適朝廷計僧口給食悉籍餘財輸戶部雱以閩中地瘠民貧州郡督辦煩重若寺觀餘財悉籍戶部則州之歲計益斂復殃民遂

白府帥張澄乞澄于朝自計口外餘財充歲計朝廷如其請

正德府志

汪應辰字聖錫信州玉山人紹興五年進士第一隆興間知福州未幾升敷文閣待制舉朱熹自代在鎮二年奏蠲一切苛賦應辰少從呂居仁胡安國遊張栻呂祖謙深器許之接物溫遜遇事特立不回以忤秦檜流落嶺嶠十有七年檜死始還朝

宋史

趙子瀟字清卿宋宗室隆興初以龍圖閣直學士知福州歲饑告糴傍郡平價濟民進龍圖閣學士移知泉州

閩書

福州府志

卷四十七

名宦二

十

張次夔字和仲浦城人以廕補官福州理掾部使者攝州事以私意撓獄次夔堅持不可使者不能奪遷西安令

叅閩書

姚希得字逢源潼川人爲福州通判徒步至候官吏不知爲通判也希得忠亮平實清儉自持好引善類不要虛

譽

正德府志

梁克家字叔子泉州晉江人幼聰明絕人紹興三十年廷試第一淳熙六年以資政殿大學士知福州在鎮有治績不以貴顯自泰以優擢去趙雄奏令再任降旨仍知

福州九年入拜右丞相封魏國公卒贈少師謚文靖嘗

修三山志四十卷

宋史參正德府志

趙汝愚字子直宋宗室居饒之餘干早有大志每曰丈夫得汗青一幅始不負此生乾道閒擢進士第一淳熙九年以集英殿修撰知福州仁厚愷悌持身潔白州西舊有湖溉民田數萬畝豪湮爲田水無所儲遇潦則西北一帶低田淪爲巨浸汝愚請復行開濬從之越四載移四川制置紹熙初以敷文閣學士再知州事踰年擢知樞密院事卒贈太師謚忠定嘉熙初追封福王汝愚學

福州府志

卷四十七

名宦二

十一

務有用聚族而居門內三十指恩意均洽無間言爲夕

郎大冬衣布裘爲相亦然

宋史參正德府志閩書

陳傅良字君舉溫州瑞安人入太學與張栻呂祖謙友善登進士甲科教授泰州參知政事龔茂良薦於朝改大學錄出通判福州丞相梁克家領帥事委成於傅良傅良平一府曲直壹以義強禦者不得售其私陰結言官

論罷之

宋史

林枏莆田人紹興中主閩縣簿累調福清丞敏於爲政以清惠稱嘗捐俸以修學館後知福州前守馬大同趙汝

愚欲甃城不果枿遂成之周圍四十丈竣事而民不擾  
在郡簡訟寬賦民甚便之萬歷府志

陳居仁字安行興化軍人慶元初以寶文閣待制知福州  
入境有饑民嘯聚分居仁遮擊之首惡計窮自經死  
治宗室之暴橫申蠱毒之舊禁踰年被調民思而祠之  
居仁風度凝遠處已應物壹以誠信臨事毅然有守所

至號稱循吏

宋史參正  
德府志

倪思字正甫歸安人歷知泉州建寧後爲禮部尙書因論  
事忤史彌遠力求去遂以寶謨閣直學士知鎮江府移

福州府志

卷四十七

名宦二

十二

知福州彌遠拜右丞相陳晦草制用昆命元龜語思歎  
曰此舜禹揖讓也乃上省牘請貼改麻制詔下分析彌  
遠遂除晦殿中侍御史卽劾思藩臣僭論麻制鑄職罷  
之眞德秀將守泉思懸車於家貽書問政告以毋崇宴  
觴毋艷琛貨靜以安民儉以化俗思歿德秀爲祠而祀

之

宋史參  
閩書

黃度字文叔新昌人嘉定間知福州始至訟牒日千餘度  
隨事裁決未午而畢史稱其守正不阿進退裕如粹然

君子

閩書

羅必元字亨父進賢人嘉定十年進士歷福州觀察推官有勢家李遇奪民荔支園必元直之遇爲言官以私憾罷之淳祐間通判贛州度宗卽位以直寶章閣兼宗學博士致仕卒年九十一必元常從危稹包遜學最有淵源見理甚明風節甚高至今鄉人尊之

宋史

王居安字資道黃巖人端平初以敷文閣待制知福州尋提舉崇福官將行鹽寇起寧化居安以書諭汀守曰土瘠民貧業於鹽可盡禁耶且彼執三首惡以自贖宜治此三人他可勿窮治部使者遣左翼軍將鄧起提兵往

福州府志

卷四十七

名宦二

十三

起貪夜冒險與寇角以死軍潰事聞命居安專任招捕居安旣留募軍校劉華邱銳者授計畫汀賊已至郡知帥撫納意卽引退華銳出入賊中指期約降有以右班攝汀守者以知兵自任欲出不意爲己功賊敗走約建劔諸郡並江西嘯聚蜂起居安議不合歎曰吾可復求

焦頭爛額功耶卽拜疏歸卒累贈少保

宋史參  
閩書

眞德秀字景元一字希元浦城人登慶元五年進士端平初以徽猷閣待制知泉州改知福州戒所部無濫刑橫斂無徇私贖貨罷市令司曰物同則價同寧有公私之

異閩縣里正苦督賦革之屬縣苦貴糴便宜發常平賑  
之海寇縱橫次第禽殄之日延聘耆儒躬臨講習以教  
郡之秀士召爲戶部尙書辭不允除翰林院學士知制  
誥拜叅知政事三乞祠祿以資政殿學士提舉萬壽宮  
卒謚文忠自侂胄立僞學之名以錮善類凡近世大儒  
之書皆顯禁以絕之德秀晚出獨慨然以斯文自任講  
習而服行之黨禁旣開而正學明於世宋史叅正  
德府志  
王鎔景定五年知州事先是州學火鎔至卽撤唐安寺以  
其材構禮殿撤禊遊亭以其材構養元堂又創奎文閣

福州府志

卷四十七

名宦二

十四

橋門泮池廩厨齋舍咸具廟學一新

正德府志  
福建通志

吳革咸淳初知州事雅重風化嘗創道立堂祠濂溪以下

諸賢附以賢牧又創經史閣官至戶部尙書

正德府志

按宋知州事有兼安撫司者傳列名宦上卷茲不重  
見

明

楊士英洪武閒知福州爲政嚴明興禮讓厚風俗凡百建

置俱有條理吏民感服鄰郡則之

萬歷府志

周孟初字仁長象山人宣德閒福州府同知在任八年公

廳方介鋤抑豪右閩人有鐵面之號陞泉州知府未至

卒  
閩書

畢亨字文亨單縣人景泰閒知福州清而能恕利弊去其

太甚尤加意學校縉紳愛悅後官至都御史

萬歷府志

江祖字崇善歙人天順閒爲福州推官廉謹而明郡無冤

獄  
萬歷府志

唐珣字廷貴華亭人天順丁丑進士成化閒以刑部郎中

出知福州正統而後郡守見臺省大吏傳誥過當珣始

至謁御史一揖而已有奸人假中官名號攫人財珣擒

福州府志

卷四十七 名宦二

十五

治之珣爲政以興學勸農爲先務葺學官增書院延師

以教郡之子弟創迎春亭於東郊時省耕斂江洲可田

者令民悉墾之築塘於五虎門以捍海潮先時省會諸

監司徭役郡獨當之珣請於上使七郡均其勞水口三

山二驛需費浩繁爲哀小箬白沙羨銀足之修綠榕廣

坑等橋置四鄉義倉設四關叢塚禁火葬其於便民之

事知無不爲珣勤慎通敏而持己峻潔人不敢以私干

後官至都御史郡人祀之西郊蓋二百年罕儷焉

萬歷府志

參閩書

蔣澐字子川上饒人宏治間知福州澐性峭直鎮守官驕恣澐守法獨不少屈郡有靈濟宮舊遣中官掛袍歲費公帑萬計澐上疏罷之後遂閒數歲一遣鴻臚官以爲常撫字郡人尤有恩澤與上官不合棄職歸

萬歷府志

余祐字子積鄱陽人年十九師事胡居仁宏治十二年舉進士爲南京刑部員外郎以事忤劉瑾落職瑾誅起爲福州知府鎮守太監市物不與民直民羣訐於祐祐慰遣之云將列狀上聞鎮守懼稍戢然恚甚遣告其黨曰不去余祐何鎮守爲然祐素廉撫拾竟無所得嘉靖初

福州府志

卷四十七

名宦二

十六

歷官至太僕寺卿改吏部右侍郎祐已先卒

參明史

葉溥字時用龍泉人正德間知福州溥少遊學於閩具知人情土俗及爲郡每聽訟片言決之無敢欺者溥又能以儒術飾吏治政暇蒐舉典祀崇獎節義以興教化入覲京師無以爲費過家其父爲稱貸乃能治行裝

萬歷府志

歐陽鐸字崇德泰和人正中自南兵部郎出知延平有司禮監蕭敬郡人也家人暴橫殺人官噤不敢理鐸立捕坐之敬大怒誣以他事械繫至京會有解之者得免尋舉劇奏調福州上疏引疾辭不許至則裁供饋禁橫



索於是鎮守太監尙某不敢肆欲有所泄怒會頒胙鐸  
謂神惠宜盡取諸祭不當益以市肉於是諸司胙損舊  
十之九又不及鎮守諸客尙怒曰往胙我特豕特羊今  
何得不至令隸委胙府庭去鐸陽爲不喻謂相禮諸生  
曰此尙監毋乃以相勞持去姑割分之詣鎮守謝及迎  
春又不設雜戲尙益怒鐸以正折之尙不能屈借他事  
爲名肆惡聲欲因激發相毆擊鐸第魚睨而已尙迫塞  
出悖謬語鐸徐拱手言曰此非臣子所宜言上聞之無  
乃不可乎徑趨出尙偵伺數月無可得乃因三司官謝

過焉於時客過府城至不敢張宴上官索辦不下福州  
府皆陽爲獎譽內殊不喜會編審里甲鐸謂福州海六  
山三田賦僅十一役不得優仕宦偏累齊民於是巨室  
闕然議起謂非人情不可近獨御史汪珊益敬鐸不爲  
搖衆議稍息嘉靖初入覲舉治行第一賜羊酒綵緞後

仕至吏部右侍郎謚恭簡

閩書叅  
諸志

注文盛字希周崇陽人正德辛未進士初授饒州推官入  
爲兵部武選司主事諫南巡拜杖嘉靖三年出知福州  
文盛有吏才多智畧初至值大侵䟽乞蠲租發廩復四

鄉社倉倣朱子備荒法行之故歲雖饑而民無流徙務興水利開上王舊港塞新河灌田四十餘頃又減丁錢省傳費築羅源諸邑城議處琉球諸舶法施於後操下極嚴不得以一錢冒費公帑上官若鎮守若監司私取於民必曲泥之政暇則課諸生爲文官終大理寺卿時有長樂令汪瑄者婺源人也嘉靖四年夏旱秋潦文盛與瑄顓憲司發倉廩䟽以聞詔蠲是年田租民爲之歌曰天降殃歲卒荒不有二汪誰立我僵

萬歷府志參  
長樂縣志

朱豹字子文上海人嘉靖閒知福州歷官有廉聲廨中有

福州府志

卷四十七

名宦二

十八

鷓鴣豹幼子玩弄之臨行欲持歸豹妻急止之曰爾父未嘗持一毫官物二鳥亦官物也可持歸耶其清操信於妻子如此

閩書

胡有恒字貞甫山陽人嘉靖癸未進士嘉靖閒知福州勤敏練達先時郡驛傳例役富民求取無節徃徃破產有恒議更僱役令民出錢輸之官而費始有經御史下其法於七郡至今行焉建寧有陳咸者被誣坐大辟十九年有恒雪其冤永春盜流劫所司官濫捕五十餘人拷掠頻死猶不得實事下有恒鞠治有恒見所繫穉子一

人詢之知以父累心惻然反覆詳讞皆得不死有恒博學好文時引諸生與之講經義得指授者甚衆官終廣西布政使始有恒政尙猛榜笞禁人聲時頗病之繼者用寬狎玩偷竄民始思有恒不置萬歷中巡撫龐尙鵬以有恒與葉溥歐陽鐸汪文盛並祀曰福郡四賢守

萬歷

府志參  
閩書

葉經字淑明上虞人嘉靖閒福州推官經矜容止勵節操遇事屹然有守郡人敬之後入爲御史號敢言相嵩深

忌之廷杖死

萬歷  
府志

福州府志

卷四十七 名宦二

十九

王尙學馬平人嘉靖閒福州推官雅有志操浦城巨姓以計殺三人獄其郡不能決監司移尙學訊之時有枋局者得賄欲釋其罪尙學力持不可尙學貌寢枋局者易之乘醉以他事叱尙學終不爲奪也後入爲職方郎中

萬歷  
府志

徐訪號東臯永康人通判福州精敏練達以嘉靖十八年攝連江縣事時邑治無城山海有警數被患訪心籌之爲大府陳建城之策未報可訪去寇復蹂躪大府方思訪言邑人王德溢亦上其議乃飭建城命訪董其役踰

年告竣連江有城自訪始士民爲祠祀之福建通志卷參連江縣志

邊維垣字師甫彭縣人隆慶閒知福州簡靜敦慎有清介

之守郡人愛之萬歷府志

陳楠字子材奉化人萬歷初知福州居官清慎不以脂膏

自潤巡撫劉堯誨議復夫甲庫役等差楠力持不可幾

爲所中遷兩淮運使去福建通志

潘頤龍字躍卿錢塘人萬歷初知福州居官凜凜有風裁

斷獄精敏士民左右皆以嚴見憚福建通志

何繼高山陰人萬歷閒知福州時倭躡潮贛閩海震動繼

福州府志 卷四十七 名宦二 二十

高練兵措餉築城偵謀規畫井然甲午夏米價驟湧市

民乘機聚掠繼高急發衛卒守軍器局分兵屯諸巷口

挺身撫諭亂乃定仍設策轉粟潮贛閒連歲饑而不害

尋遷長蘆轉運使行日軍民遮留萬歷府志

劉日升字扶生廬陵人萬歷庚辰進士選福州司理摘發

如神有大姓殺人而賄人代之約婦其女而婿其子曰

升語代者曰彼詐汝耳汝身死彼卒寒盟安能泉下控

之代者悔而泣乃坐大姓惡少調人婦遇其夫扼吭斃

之沉諸井令婦誣其叔曰是故與夫有仇獄久不決日

升呼婦前從容好語婦感動日升愴然曰死者不復生償之果何益但屍糜爛誠可傷耳婦忽失口屍在井中未毀也出之面如生遂伏法又有婦殺夫而焚其舍以火爲解日升謂火死者口有灰取二屍一死一活焚之果驗婦遂語塞有僧利其師財潛殺之誣他僧他僧不能辯日升視其刀有匠名呼問之則其徒刀也論如法鄉紳子爲中表所毒實假手於其婢而反誣其婦日升夢三毒蟲在案傍若有人呼楊六者詰之則藥果市之楊祿遂窮鞫抵罪嘗視篆古田道逢負傀儡者遽命縛

之曰而盜魁也訊之果然人以問日升日升曰吾貌得之耳藩庫失藏金日升視藏中有題壁以問藏吏曰此老胥某手跡索其家金果在也其神明多類此嘗謂誤入一蔬一果見輿隸必三日忤至其臨事人或規之曰吾有口可泥封耶仕終應天府尹

書閩

周順昌字景文江南吳縣人萬歷四十一年進士授福州府推官捕治稅監高竊瓜牙不少貸竊激民變劫辱巡撫袁一驥質其二子并質副使呂純如或議以順昌代順昌不可純如銜之後擢吏部主事轉員外假歸天啓

中魏忠賢矯旨逮赴詔獄潛斃之崇禎初贈太常卿謚

忠介

史明

陸文衡字坦持吳江人萬歷四十七年進士授工部主事

天啓中出守福州時魏璫生祠遍海內衆議福爲閩首

郡當倡立文衡堅持不可卒不建故閩闔省無璫祠由

文衡格其議也崇禎改元陞浙江叅政

吳江縣志

趙繼鼎德州人天啓進士崇禎初福州司理公明堅決不

畏強禦凡所平反多得情奸猾斂跡號趙鐵面

福建通志

王凝命雲南人崇禎辛未進士福州理刑有清操閩俗喜

福州府志

卷四十七 名宦二

二十二

訟多服毒草陷讐者凝命嚴法痛懲風遂息與上官不

合解綬去

福建通志

國朝

○王之儀字虞廷廣寧人康熙六年知福州耿逆縱黨肆

惡羅源知縣張翀笞而驅之出境逆怒逼之儀具罪狀

誣翀之儀正色曰九邑賢員惟翀爲最劾之如公道何

寧去官不敢奉命逆不能奪十三年三月十五日逆難

作給文武官赴藩府計事之儀與同知建寧府喻三畏

知候官縣劉嘉猷慷慨罵賊同被殺屍出逆府衆咸墮

淚逆復遣黨圍其署妻張氏子琅皆自殺事聞贈太僕寺卿予卹廕三十五年入祀九忠祠

福建通志

○遲維城正白旗漢軍人康熙三十六年知福州閩多淫祠每寒暑感疾輒目爲司疫之神所爲以五月五日爲疫神生辰巫覡煽誘男婦科斂演祝其有疾之家不事醫藥糊紙舟建醮以爲祈禱晝夜喧闐奔走若狂維城痛懲其弊力請大吏禁止之折毀淫祠凡百十餘所郡有造僞銀者立寘之法又立救火器械擒治乘火搶掠者後卒于官士民祀於西湖書院

福建通志

福州府志

卷四十七

名宦二

二十三

○石曰琮字璞公長山人康熙辛未進士四十七年以巡撫張伯行薦知福州首禁奸民居贏積米昂市價者官修戰艦購木於商其值多不敷商以爲病曰琮必予其值相當各屬案牘設勤能補拙四字次第傳催不輕遣一役所屬徵收歲額侵蝕弊絕時年七十矣卒於官

福建

通志

福州府志卷之四十七

終